

Sèn Jan, ai 09 de jugn 2025
COMUNICAT STAMPA

La Majon di Fascegn met fora a Cianacei la mostra “Alcide De Gasperi. Album di casa”

Fotografies mai publichèdes e scric privac met al luster l om dovia l gran statist

Ai **14 de jugn, da les 5 da sera te Cèsa de Comun de Cianancei** sarà inaudà la mostra “Alcide De Gasperi. Album di casa” rencurèda da Marco Odorizzi e Elena Tonezzer, vegnuda ca da na idea de la **Presidenza del Consei de la Provinzia Autonoma de Trent** en colaborazion con **Fondazione Museo storico del Trentino** e **Fondazione trentina Alcide De Gasperi**. La mostra, de gra al endrez del Istitut Cultural Ladin “Majon di fascegn” e al didament del Comun de Cianacei, la restarà te Fascia fin ai 7 de messèl, do da esser stata metuda fora utró tel Trentin e ence foravia, olache la é stata muie arprijèda da duc per aer tratà l argument con sensiboltà e cher.

L’espojizion met dant **fotografies leèdes a la familia apede ai scric più personèi del politich trentin**, per ge dèr l met a la jent de cognoscer i evenc de maor valuta de sia vita e i valores che ge à dat fondament a sie pensier, lascian sul sfon demò per n medeat l empegn politich.

Te Fascia, la mostra su De Gasperi vel recordèr a na vida sorida e piajegola la istoria de chest statist, protagonist del destin di popui de noscia region, e ge meter apede n auter picol tassell: **n retrat** del veie restorant “Marmolata” (ades “Maria”) sun Pordoi ti egn Vint, autografà da De Gasperi del 1952, canche l é stat te chesta ostarìa veiora. “Cherdon che chest document unich, che per solit fèsc bela parbuda te Rifugio Maria, l passenee delvers con i sentimenc fons e dal cher fora, porté dant da la mostra e soraldut l se conjobie con un di retrac metui fora, che moscia De Gasperi sun Pian de Schiavaneis che ge vèrda su maraveà al Sela” declarea la Presidenta del Istitut Cultural Ladin e del Museo Ladin de Fascia, **Tea Dezulian**, che à podù aprijèr l projet dantfora e l’ à volù l portèr te val.

La meticolousa selezion di scric de De Gasperi met al luster sia ideas pojèdes sui valores democratics più fons e su na vijion de la politica vivuda desche na miscion, ma tel medemo temp la lascia vegnir fora duta la emozions di evenc personèi, vedui te sia viesta da ogne dì.

Duc i tesć de la mostra i é a la leta tras qr-code per todesch, per ingleis o ence dic su a ousc, acioche posse se emprevaler l publich più gran.

N pont de veduda fora de anter, donca, per meter adum n tribut a Alcide De Gasperi, pissà per recordèr i setanta egn da sia mort. N excursus dai colores vives te la vita de n om, dant dal dut, segnà da sie picoi recorc de canche l era bez e joenet, de la noza, di viajes e di momenc de paussa passé con chi de cèsa sa mont, ma che tel medemo temp fèsc vegnir fora ence sia fermeza tel ge jir do a sie obietives e l met amò miec al luster na fegura de gran respet, benvoluda e tegnuda da duc desche model de bona politica, de ferstont e de gran anteveder.

La Mostra “Alcide De Gasperi. Album di casa” restarà orida te **Cèsa de Comun de Cianacei dai 15 de jugn ai 7 de messèl 2025**, duc i dis da les 8.30 a les 12.30 e da les 15.00 a les 19.00; dai 30 de jugn l orarie sarà fora e fora da les 8.30 a les 19.00; l’entrèda la é debant.

San Giovanni di Fassa, 09 giugno 2025
COMUNICAT STAMPA

La Majon di Fascegn porta a Canazei la mostra "Alcide De Gasperi. Album di casa"

Immagini inedite e scritti privati rivelano la dimensione più familiare del grande statista

Il **14 giugno, alle ore 17.00 presso il Municipio di Canazei** sarà inaugurata la mostra "Alcide De Gasperi. Album di casa" a cura di Marco Odorizzi e Elena Tonezzer, ideata dalla **Presidenza del Consiglio della Provincia Autonoma di Trento** in collaborazione con Fondazione Museo storico del Trentino e Fondazione trentina Alcide De Gasperi. Grazie all'interessamento dell'Istituto Culturale Ladino "majon di fascegn" supportato dal Comune di Canazei, l'esposizione rimarrà aperta in Val di Fassa fino al 7 luglio, dopo aver fatto già diverse tappe in provincia e non solo, suscitando unanimi apprezzamenti per l'approccio umano e coinvolgente.

L'esposizione privilegia le **immagini legate ai momenti familiari e gli scritti più intimi del grande statista** trentino, permettendo al grande pubblico di conoscere le tappe più importanti della sua vita e i valori alla base del suo pensiero, lasciando sullo sfondo per qualche attimo l'impegno politico.

La mostra di De Gasperi in Val di Fassa vuole ricordare in modo semplice e umano la storia del grande statista, protagonista indiscusso delle sorti dei popoli della nostra regione; ma vuole aggiungere anche un ulteriore tassello: **una fotografia** risalente agli anni Venti dell'allora Ristorante "Marmolata" (ora "Maria") al Pordoï, che De Gasperi autografò in occasione di una sua visita presso la storica locanda nel 1952. "Crediamo che questo documento, abitualmente esposto nel locale, ben si sposi con il lato intimo della mostra e anche, in particolare, con una delle foto presenti nell'esposizione, raffigurante De Gasperi in località Pian de Schiavaneis mentre guarda meravigliato verso il gruppo del Sella", dichiara la Presidente dell'Istituto Culturale Ladino e del Museo Ladino di Fassa, **Tea Dezulian**, che in prima persona ha apprezzato e poi voluto portare il progetto in Val di Fassa.

Dall'accurata selezione degli scritti di De Gasperi, emergono le sue idee fondate su profondi valori democratici e su una visione della politica vissuta come missione, ma nel contempo viene dato maggior rilievo alle emozioni degli eventi privati, colti nella loro quotidiana semplicità.

Tutti i testi della mostra sono disponibili tramite qr-code anche in tedesco, in inglese o anche recitati da una voce narrante, per permettere la più ampia fruizione.

Una prospettiva insolita, dunque, muove questo tributo ad Alcide De Gasperi, ideato per ricordare i settant'anni dalla sua morte. Un excursus vivido e profondo nella vita di un uomo, prima di tutto, nella dimensione quotidiana tracciata dalle immagini dell'infanzia, del matrimonio, dei viaggi e dei momenti di riposo trascorsi con la famiglia in montagna, ma che lascia anche trasparire la sua tenacia nel perseguire i suoi obiettivi e mette ulteriormente in luce una figura rispettata, amata e unanimemente ritenuta un modello di buona politica, di saggezza e di straordinaria lungimiranza.

La Mostra Alcide De Gasperi. Album di casa rimarrà aperta presso il **Municipio di Canazei dal 15 giugno al 7 luglio 2025**, tutti i giorni dalle 8.30 alle 12.30 e dalle 15.00 alle 19.00; dal 30 giugno con orario continuato dalle 8.30 alle 19.00; l'ingresso è gratuito.